

出堂頌

引至幕

謝師

靈寶頌教濟度金書卷之二百十九

靈寶頌教濟度金書卷之二百二十

洞微高士開光授苦真人寶金真使

靈寶通玄秘教水南先生林靈真純

科儀立成品玄靈經

臨午陞壇誦經行道儀

啓堂頌

各禮師存念如法

宣衛靈呪

丹靈朱火炎霞激風赤輪剛運天光八衝

迸威包羅交變萬方流金豁落群魔滅蹤

辟姦破妖明耀元功金符召制躡雲乘龍

謠歌慶會散花太空神化冥運四極安隆

伏御帝前罔有不恭

鳴法鼓二十四通

無上三天九皇玉帝當召九皇靈官飛龍騎

更綉衣使者三炁正神急上關啓玄壇土地

方域神真臣今年朝陞壇行道謹恭為入應

其諸丹悃已錄奏聞願得

元皇正炁來合臣身令臣所啓遠達徑御

至真元極大道

中天二大尊帝

九皇玉晨道君御前

請稱法位

具位奉行玄靈妙齋法事小兆臣某與臨壇

官眾等謹同誠上啓

太上元極大道斗中高上玉皇尊帝太微玉

帝北極玄卿大帝北斗太尉府貪狼星君北

斗上宰府巨門星君北斗司空府樞存真人

星君北斗遊擊府文曲玄冥星君北斗斗君

府廉貞丹元星君北斗太常府武曲北極星

君北斗上帝府破軍天關星君北斗玉帝府

外輔星君北斗真人府內弼星君二帝聖后

元君九皇夫人九陰內妃斗中天罡萬真節

度奎光大帝斗中三台華蓋星君斗中玄曹

道德諸君六十甲子星君斗極四聖真君三

天大法師真君斗中豁落璇璣諸大將軍斗

中黑煞威烈行網都副統兵大將軍擊羊陀

羅二仙使者左右綉衣使者通事舍人九省

九府丞相真人斗中千乘萬騎仙官神吏本

靖經錄法部諸省府院司將吏兵馬本派祖

卷七

十二

玄真師列位真人本屬城隍司主者當境土地里域真官四直功曹三界符使應延內外一切威靈臣間七政儲精一元肇象虛無妙炁生神寶於赤明圓滿化身說真經於永壽為衆生而設教仰大聖以通靈惟陰陽妙幹於權衡故禍福悉由於主宰臣等右壇綴武左籍登名期翊讚於真風肅開明於慧日踴躍修奉誓願流行凡有皈投敢忘關告

宣詞

按如詞言備殫情切臣等恪遵妙訓肅奉明科懺罪消災建瑤壇而請命延生注福扣玉闕以馳神諒對菲之不連藍蔘藿之有造以今午朝陞壇行道請法衆等運茲初檢上香願此香煙騰空徑上供養

无上至真道寶天尊臣等皈身皈神皈命首體投地仰依

太上三尊願以是功德上祝

皇帝陛下伏願道契兩儀德涵四象常清常靜八荒宣玉燭之和同軌同文六合慶金穰之瑞今故燒香自皈依

師尊大聖衆至真之德得道之後保天長存和與道合真以今午朝陞壇行道請法衆等運茲二檢上香

願此香煙騰空徑上供養

无上至真經寶天尊臣等皈身皈神皈命首體投地仰依

太上三尊願以是功德皈流齋主朱青沐太和涵濡景運壹天日永雲臻百福於方來福地春融風散千秋於已往今故燒香自皈依

師尊大聖衆至真之德得道之後永保安寧和與道合真以今午朝陞壇行道請法衆等運茲三檢上香

願此香煙騰空徑上供養

无上至真師寶天尊臣等皈身皈神皈命首體投地仰依

太上三尊願以是功德皈流九州四海萬姓三農伏願神風披冒愛日薰陶元安少懷田野被無為之化耕食鑿飲里閭歌有道之君

今故燒香自皈依

師尊大聖衆至真之德得道之後永保安寧和與道合真

九宮捍厄天尊

臣等謹按經云三元八節本命元辰北斗日嚴置壇場轉經齋醮依儀行道其福無邊凡有急難盡先禱祝以今奉為齋主其解禳身家災厄謹率在壇清衆持誦太上玄靈北斗本命延生真經各一遍上祝中天大聖第四遊擊府天心文曲玉晨君進拜表文告行符命依按河圖九宮所隸乞為削落西北乾位六白陣皆降婁分野一切罪厄仰希矜軫俯賜允俞臣不勝激切之至

平坐讚 舉經題 誦經

玄靈感應天尊

臣向來祇率法衆奉為齋主其解禳西北乾位六白陣皆降婁分野災厄轉誦太上玄靈北斗本命延生真經各一遍並已周圓恭望萬罪消除災瘳洗蕩福壽資壽善果臻身人

各運誠旋行讚詠

旋行至西北方

至道包無外 真經憫世危 敬奉承天貺
稽首扣玉虛 雲鶴迎仙仗 星橋駕羽車
形神俱快樂 千劫一朝餘

宣表 舉方

宣儀

臣不避塵冒之譴重據真切之忱以今恭按
典式頒行玉清度厄玉簡告下西北乾位六
白限皆降婁分野流年臨犯一切星宰願降
天光俾知專奉庶消人厄永戴生全臣不勝
激切俟命之至

宣簡 宣關 焚簡

旋行歸位

聖德流科教 修齋福壽長 延生依玉簡
請命奏金章 罪名消北府 生籍注南昌
見存皆快樂 富貴生福鄉

九官捍厄天尊

臣謹按經云可以酌水獻花冥心望北極稽
首禮拜念本命真君名號亦不虛過本命限

期皆得延生注福繫係人身災厄歸除獲福

無量凡有急難盡先禱祝以今奉為齋主其

解穰身家災厄謹率在壇清眾持誦太上玄

靈北斗本命延生真經各一過上祝中天大

聖第五斗君府天禽廉貞玉晨君進拜表文

告行符命依按河圖九宮所隸乞為削落中

宮五黃分野一切罪厄仰希矜軫俯賜允俞

臣不勝激切之至

平坐讚 舉經題

誦經

玄靈感應天尊

臣向來祇率法眾奉為齋主兼解穰中官五
黃分野一切災厄轉誦太上玄靈北斗本命
延生真經各一過並以周圍恭望萬罪消除

災衰洗蕩福壽資命善果臻身人各運誠旋

行讚詠

旋行至中方

至道包無外 真經憫世危 敬奉承天貺
稽首扣玉虛 雲鶴迎仙仗 星橋駕羽車
形神俱快樂 千劫一朝餘

宣表 舉方

宣儀

臣不避塵冒之譴重據真切之忱以今恭按
典式頒行玉清度厄玉簡告下中宮五黃分
野流年臨犯一切星宰願降天光俾知邊奉
庶消人厄永戴生全臣不勝激切俟命之至

宣簡 宣關 焚簡

旋行歸位

聖德流科教 修齋福壽長 延生依玉簡
請命奏金章 罪名消北府 生籍注南昌
見存皆快樂 富貴生福鄉

九官捍厄天尊

臣等謹按經云亦是真形名號不可得聞凡
有見聞能持誦者皆道心深重宿有善緣得
聞持誦其功德力莫可稱量濟度存亡增延
福壽凡有急難盡先禱祝以今奉為齋主其
解穰身家災厄謹率在壇清眾持誦太上玄
靈北斗本命延生真經各一過上祝中天大
聖第六太常府天輔武曲玉晨君進拜表文
告行符命依按河圖九宮所隸乞為削落東

南巽位四碧壽星鶴首分野一切罪厄仰希
矜軫俯賜允俞臣不勝激切之至

平坐讚 舉經題

誦經

玄靈感應天尊

臣向來祇率法眾奉為齋主其解穰東南巽
位四碧壽星鶴首分野災厄轉誦太上玄靈
北斗本命延生真經各一過並已周圓恭望
萬罪消除災衰洗蕩福壽資命善果臻身人
各運誠旋行讚詠

旋行至東南方

至道包無外 真經憫世危 敬奉承天貺
稽首扣玉虛 雲鶴迎仙仗 星橋駕羽車
形神俱快樂 千劫一朝餘

宣表 舉方

宣懺

臣不避塵冒之誼重據真切之忱以今恭按
典式頒行玉清度厄玉簡告下東南巽位四
碧壽星鶴首分野流年臨犯一切星宰願降
天光俾知遵奉庶消人厄永戴生全臣不勝

激切俟命之至

宣簡 宣關 焚簡

旋行歸位

聖德流科教 修齋福壽長 延生依玉簡
請命奏金章 罪名消北府 生籍注南昌

見存皆快樂 富貴生福鄉

九宮捍厄天尊

重稱法位

具位臣某與臨壇官眾等謹重誠上啓

虛皇天道妙有高真昊天玉皇上帝中天大
聖斗極真尊道德官君醮建聖眾臣聞陰陽
飛遁河圖藏六甲之機晝夜加臨寶式運三
才之象內含光而蘊彩外解厄以除災惟彼
神靈實參造化仰瞻瓊之在上扣齋辰以由
中高應齋主某爰自初生至于今日背綱常
而虧廉恥逆天地而忤真靈易致災危曾無
悔悟故啓皈依之路聿宣懺謝之儀願關金
門持頒玉勅蠲罪花而風散潤善藥以雲蒸
尼難消除福祥圓滿快樂自在壽量無窮上
願時和歲豐河清海晏華夷咸感若經緯流華

絕魑魅魍魎之妖同歡舜日集富貴康寧之
福共樂堯年則上明
天尊大慈之化下副臣等皈命之誠謹啓以
聞

發願

存神燒香

香官使者左右龍虎君侍者諸靈官當令
午朝轉總行道之所自然生金液丹碧芝英
百靈眾真交會在此香火爐前臣學道得
道求仙得仙齋官蒙福幽顯霑恩十方仙童
玉女接待蘭煙傳臣向來所啓之誠速達徑
御

至真無極大道
中天二大尊帝
九皇玉晨道君御前

出堂頌
引至幕
謝師

靈寶領教濟度金書卷之二百二十